

- SELMAN SI OU LÉ -

*Sa ka fè dizan déjà kè nou séparé, é kè nou pa riwè:
Desten ki fè si jodi san nou té lé, chimen-nou rikwazé.
Si adan mémwar-mwen tousa rivé konsi sé avantiè,
Mové moman oubliyé pas dan zîé-w, ayen pa jen chanjé:
É mwen lé koumansé pa di'w mwen dézolé mé si ou lé...*

Refrain 1 :

*Nou pé rivé fè fwi lanmou pli sikré, Mé tousa sé si ou lé.
Nou pé fini liv lavi-nou pli éré, Mé selman si ou lé.*

*Tou lé dé nou two sav an fwi ki gaté ka fini pa tonbé:
É lésé plas pou an lot pé ripousé, ni an chans épanwi.
Kè i méyé ou kè i pli mové, lavi kay désidé.
Alò fo nou aprann lésé tjè-nou
Montré nou ki direksion, ki chimen pou nou chwazi.
Ésyéé sonjé tousa nou té anvi fè ansanm, sé si ou lé...*

Refrain 2 :

*Ansanm nou pé viv sa nou té imaginé, Mé tousa sé si ou lé.
Tout pwomes nou té fè kò-nou pa éfasé Mé selman si ou lé.*

Refrain 1

*Bridge : Kon latè brilé pou flech kann ripousé,
Kon apré loraj siel-la ka fini pa kléré.
An volkan étern pé toujou rilimen
É dènié chapit listwa lanmou-nou pou fini bien
Tousa sé si ou lé...*

Refrain 2 + Refrain 1

Tousa sé si ou lé Selman si ou lé (Ad Lib)

Bridge